

周  
官  
心  
解

周官心解卷第八

諸暨楊莊蔣載康闡訂

受業  
甥顧大治  
吳深  
校刊

地官司徒第二之三

○鄉師之職各掌其所治鄉之教而聽其治

疏鄉大夫以下至比長各

聽斷其民鄉師又聽其治恐濫失平察之按鄉師四人鄉有六各掌一鄉有半此專指教事說惟及六鄉

以國比之灋以時稽其夫家眾寡辨其老幼貴賤廢疾馬牛之物辨其可任者與其施舍者掌其戒令糾禁聽其

獄訟此統畿內當役者司徒主徒鄉師其攷也故平時所掌如此國比之灋卽小司徒之九比眾家七八人

六人五人寡合餘夫乃得充七人六人五人之數者夫家卽夫婦有夫婦乃成家也可任者卽上地家三人之類施舍卽貴賤老幼及馬牛不任乘用者戒令糾禁亦小司徒祭祀飲食喪紀之類獄訟卽小司徒民訟地訟等

大役則帥民徒而至治其政令既役則受州里之役要以攷司空之辟以逆其役事辟音璧。疏大役者謂築作隄防城郭等役也。按州州長所統里縣正所統兼甸民役及三采亦當準此役要州里所送民徒之簿書牌司徒所定功作章程逆猶鉤攷也。

凡邦事合作秩敘邦事營作征行皆是敘功次食之多少功之次敘皆計而作之合無冗濫不給就約束也。  
不中式程不

**大祭祀羞牛牲共茅藉。**

藉子都反一子餘反。大司徒奉

也以茅藉祭物士虞禮苴刑茅長五十束之祝設于几

東席上命佐食取黍稷祭于苴三取膚祭祭如初既祭

束而去之疏甸師共蕭茅彼共茅鄉師束而切之長五寸立之祭前以藉祭故云茅藉

**大軍旅會同正治其徒役與其輦輶戮其犯命者。**

輶九玉反輶里

演反註輶駕馬輶人挽行以載任器司馬法夏輶曰

余車殷曰胡奴車周曰輶輶輶一斧一斤一鑿一裡一

鋤周加二板二築夏二十人而輶殷十八人而輶

周十五人而輶按此正治及戮亦該廣不專鄉民

**大喪用役則帥其民而至遂治之。**

註治監督其事疏大喪用役若輓六引按各帥

一鄉有余○及葬執轔以與匠師御匱而治役音舊同柩桃報反匱

此兼遂甸民鄉主六紳遂主六紳註匠師事官之屬於司空若鄉師之於司徒鄉師主役匠師主眾匠共主葬

引雜記升正極諸侯執綺五百人四綺皆銜枚司馬執  
鐸左八人右八人匠人執翫以御極天子六引禮依此  
云鄭司農云翫羽葆幢也爾雅轂翳也指揮輶櫬之役  
正行列進退按雜記所謂匠人卽匠師匠人執翫與鄭  
師同○及窪執斧以蒞匠師窪彼驗反註匠師主豐碑  
事執斧以蒞之使戒其事鄭司農云窪葬下棺也春  
秋傳日中而瘞泣臨視

凡四時之田前期出田灋于州里備其鼓鐸旗物兵器脩  
其卒伍正義竭作鼓鐸旗物兵器及卒伍部分皆在田灋○及期以司徒之大  
旗致眾庶而陳之以旗物辨鄉邑而治其政令刑禁巡  
其前後之屯而戮其犯命者斷其爭糾之訟斷丁亂反鄉師者  
司徒之攷故以司徒之大旗致民司徒大旗旛也鄉六  
鄉邑遂邑甸邑及三采之邑旗物各畫號名使各執旗

物令部分井井也斷爭禽之訟是既田後事

凡四時之徵令有常者

以木鐸徇于市朝

朝直遙反。惟田與役有徵令

有常者田則蒐苗獵狩皆竭作役則以次調發而已徇兼市朝警眾庶亦戒在官

○以歲時巡

國及野而賜萬民之喜阨

嘉古艱字。註歲時者隨其事

之時不必四時也嬉阨饑乏鄭司農云賜讀爲周急之周接疾病死喪亦當施惠其事則司救掌之國國中野

遠近郊及甸地鄉師掌鄉兼及甸地施惠地近遂亦從鄉

歲終則攷六鄉之治以詔廢置正歲稽其鄉器比共吉凶

二服閭共祭器族共喪器黨共射器州共賓器鄉共吉凶禮樂之器

比毗志反。此又專據六鄉以教惟詳于六鄉也下大比放此註吉服祭服凶服弔

服比長主集爲之愚謂當主喪服又曰祭器者簠簋鼎俎之屬閔胥主集爲之喪器者夷槃素俎楬豆軌軸之屬族師主集爲之按喪祭民生大事不可不盡禮恐民不能備物而廢禮故官主集爲之此周家之治所由與唐虞比隆也又曰射器者弓矢、楉、中之屬黨正主集爲之爲州長或射于此黨賓器者尊俎笙瑟之屬州長主集爲之爲鄉大夫或賓賢能于此州吉器若閭祭器凶器若族喪器禮樂之器若州黨賓射之器鄉大夫備集此四者愚謂四器備於下而鄉師復稽此欲六鄉之眾吉凶禮樂一一由禮而人盡賢能也正歲稽器爲歲終攷治地也正歲事反敘終歲之下劉若國大比則攷教欹易置也宜轉易以復經文之舊

比必里反。李茂夫曰：上正

察辭稽器展事以詔誅賞

歲稽器歲終攷治此則大比

之時鄭剛中曰攷教則察其辭稽器則展其事設教而辭不逆理制器而事不廢常是守職可賞者也教灑頑于上而爲非聖之言器用制于鄉而有不舉之禮是職可誅者也攷詔誅賞不特詔廢置而已按詔告司徒

○鄉大夫之職各掌其鄉之政教禁令。六鄉之地由王城郊以近郊爲界者下所登及野故  
鄭司農云萬二千五百家爲鄉

正月之吉受教灋于司徒退而頒之于其鄉吏使各以教其所治以攷其德行察其道藝行下孟反下皆同。註鄉吏州長以下按德三德行六行道藝六藝司徒教灋也令鄉吏分掌教灋又時加攷察期大比所典各得其實也以下黨正書德行道藝族師書孝弟睦婣有學問胥書敬敏任恤皆以攷察得之

以歲時登其夫家之眾寡辨其可任者國中自七尺以及六十野自六尺以及六十有五皆征之其舍者國中貴

者賢者能者服公事者老者疾者皆舍以歲時入其晝  
登書之冊卽歲時所入之書七尺年二十者六尺年十五者國中晚征而早免以其爲士庶子戰則乘車爲甲士若郊邑之民則伍兩卒旅之徒卒故野早征而晚免也當征者登當舍亦登歲時入于司徒俾鄉師以時稽之也國中王城中野城外至近郊

三年則大比攷其德行道藝而興賢者能者鄉老及鄉大夫帥其吏與其眾寡以禮禮賓之比必里反。以其品曰賢以其才堪爲鄉公大夫州長黨正族師閭胥比長堪爲公卿大夫士故故曰能堪寡鄉人皆在以禮禮賓之以鄉飲酒之禮禮而賓之鄉老鄉公吏州長至比長○厥明鄉老及鄉大夫羣吏獻賢能之書于王王再拜受之登于天府內史貳之厥明賓之明日獻猶

進王拜受重得賢能入其書于天府同于祖廟之寶藏  
內史貳其書者內史掌以八柄詔王王授爵祿掌書王  
命使馮此以官之也○退而以鄉射之禮五物詢眾庶一曰和二

曰容三曰主皮四曰和容五曰興舞疏退者獻賢能之書于王退來鄉內

按鄉射之禮州長春秋習射之禮先行鄉飲之禮者鄉大夫既獻賢能更欲教賢能以獻乃舉此禮以合眾庶而詢此五事之善也州序習射此五州所教之士故以射試其善而取之五物未能備善備者爲上和者揖讓雍容射皆愿中而又比禮比樂無勉強之迹德藝皆美故居第一容能容物射時儀度皆善卽藝有未精爲人所勝而喜怒不形不改常度足徵所養故居第二主皮非卽主皮之射比辭射時容體皆未善而發必中的堪澤宮彌獲之選故居第三和容者射藝甚劣屢不能勝頻飲罰酒而愠怒不形揖讓雍容不改常度足徵素養故居第四舞弓矢之舞德藝未優者射時無善可取而試之以弓矢舞而容節皆比禮樂取之可以興起學

士六樂之大舞故居第五。主皮之射。田獵後射于澤以頒餘獲不樹侯而但張皮以射勝者再射不勝者降但取能中而已。此以鄉射之禮射禮射也。禮射而僅曰主皮謂其但能中而不足于禮樂也。或以貫革言之尤與情事。○此謂使民興賢出使長之使民興能入使治相遠。長知丈反。詢之眾庶而後教之。鄉校以成其賢能之異。日興而獻之。非鄉大夫一人之私也。乃使民自興舉賢能也。出長入治更後日事出入皆就鄉說。此賢能就一人說。賢德可尊。在朝爲公孤卿大夫士居鄉民之上也。小宰六計二曰廉能止弊教職之法以治徒眾事煩須才能也。居官者家仍在鄉退朝家居仍使治此鄉民公卽爲鄉公卿卽爲鄉大夫中大夫爲州長下大夫爲黨正上士爲族師中士爲閭胥下士爲比長以治鄉民貢賦田役事也。註書曰天聰明自我民聰明天明威自我民明威老子曰聖人無常心以百姓心爲心。如是則古今未有遺民而可爲治。

歲終則令六鄉之吏皆會政致事。正歲令羣吏攷灋于司徒以退各憲之于其所治。會古外反。大司徒致灋正小司徒正歲所憲教灋之象。或恐未審。又攷諸司徒以備歲終正治致事。各憲于所治示其屬以飭之。正歲事在歲終之後。又剗歛所易宜轉易以復經文之舊。

國大詢于眾庶。則各帥其鄉之眾寡而致于朝。

註大詢者。詢國危。詢喪等警急須人。故

國選。詢立君。按議刑三刺。一詢羣臣。二詢羣吏。三詢萬民。亦帥鄉民而致于朝。疏。朝外朝三槐九棘之所。國有大故。則令民各守其閭。以待政令。大故災變寇戎。大使民各守其閭。待政令。俟調發。民各守其閭。則一呼而萬眾立至。允善制也。按秋官修閭氏。國有故。令守閭。互惟執節。不幾則閭各自守。嚴備之義。亦自兼之。○以旌節輔令。則達之。註民以徵令行。

將之無節則不得通。按令司馬之令以旌  
節輔馮信也。疏國大故恐有姦寇故爾。

○州長各掌其州之教治政令之灋

長知文反。王城中九州近郊二十一州

鄭司農云二千五百家爲州

正月之吉各屬其州之民而讀灋以攷其德行道藝而勸

之以糾其過惡而戒之

屬音燭下同行下孟反。屬合聚灋卽教灋三物以勸入刑以

戒卽教灋所具者正月讀灋下春秋二社各一讀正歲又讀州長凡四讀灋攷其德行道藝而勸之令循三物

糾其過惡而戒之令免八刑

○若以歲時祭祀州社則屬其民而讀

灋亦如之春秋以禮會民而射于州序

會如字。註序州學也疏春秋會

齊兩望穀豐熟秋以豐稔報功故祭祀州社也春秋會民射于州序州長二時會聚其民而行射禮于州之序

言以禮先行，鄉飲酒禮乃射也。按亦如之，如正月勸戒也。

凡州之大祭祀、大喪皆涖其事。註：大祭祀、州社稷、大喪、鄉老鄉大夫子是卒者、涖臨也。

若國作民而師、田、行役之事，則帥而致之。掌其戒令，與其

賞罰。註：掌其戒令，賞罰于軍爲師帥疏。

師、征伐、田、獵、行、巡狩、役、役作。

歲終則會其州之政令。正歲則讀教灑如初。會古外反。正月讀之，至

正歲猶復讀之，如初亦勸戒之。如正月所讀正歲八字宜在先，歲終九字宜在後，亦剗歛妄易。

三年大比則大攷州里，以贊鄉大夫廢興。比必里反。鄭司農曰：贊助也。

按：不曰誅賞而曰廢興，興賢能，廢愚不肖，鄉大夫所主，誅賞則王與冢宰司徒主之也。

○黨正各掌其黨之政令教治

鄭司農曰：五百家爲黨。

及四時之孟月吉日則屬民而讀邦瀆以糾戒之

屬音燭下同。

註以四孟之月朔日讀瀆彌親民於教亦彌數按三月

一讀益

以春秋二讀

則六讀

邦瀆

日邦瀆

不止于教

瀆

一年政令

皆兼之

社稷

按亦如之

亦

讀邦瀆亦糾戒也

○春秋祭榮亦如之

榮崇敬反

註崇零榮

水旱之神爲壇位如祭

國索鬼神而祭祀則以禮屬民而飲酒于序以正齒位一

命齒于鄉里再命齒于父族三命而不齒

國索鬼神而祭祀靖祭于

建亥之月五十六十七十八十九十者齒也一命再命三命者位也正之者位與齒或相妨此飲禮以齒高者爲賓次爲介爲三賓眾賓五十立侍六十三豆七十四豆八十五豆九十六豆得先入獻酢若有爵者大夫樂

作不入士。不入，入亦不干正禮。其位則一命者以年與眾賓相次，再命者父族有爲賓者以年與之相次，異姓雖有老者居于其上，位至三命，席于尊東，雖父族年踰之者亦得居于其上。如此則貴年貴爵各適其宜，而不相妨。所謂正齒位也。第言三命三命以上可知靖祭之禮行于農事已畢，百物有功者皆報之，故曰國索鬼神也。

凡其黨之祭祀喪紀昏冠飲酒教其禮事掌其禁戒冠古玩反疏此並是民之所行黨正教其禮事因戒令督禁之

凡作民而師田行役則以其灋治其政事

歲終則會其黨政師其吏而致事

會古外反。疏帥族師

按此節十三字當在歲時蒞校比之下，正歲屬民讀灋而書其德行道藝

黨正書之以上州長令教于州序者全書德行道藝優于族師所書必正歲書之歲終致事時乃上于黨正也此及下節六字當在歲終節之前亦劉歆妄易

以歲時涖校比比必里反。註涖臨也。鄭司農云、校比族師以時屬民、校登族之夫家眾寡辨其貴賤老幼廢疾可任者、及六畜車輦○及大比亦如之。

○族師各掌其族之戒令政事

鄭司農云、百家爲族

月吉則屬民而讀邦瀆書其孝弟睦婣有學者

屬音燭下同。註月

吉每月朔日、按又數於黨正十二月每月一讀下又二讀凡十四讀瀆所書孝弟睦婣卽閭胥書其敬敏任恤而上之者則六行已備矣書有學則六藝亦可觀此又將上之黨正以教于庠者每月吉必書知考察至勤、  
○春秋祭廟亦如之廟音步。註廟人物裁害之神按卽步校人職冬祭馬步是也

墳之醡人鬼之步恐爲害故祭之祭醡族眾合聚故有  
讀灋等事亦如之亦讀灋亦書其孝弟睦婣有學也百  
家爲族五比爲閭考察易詳立教又以敦行爲重閭  
書任恤族書孝弟睦婣節僞安得與賢能之選乎

以邦比之灋帥四閭之吏以時屬民而校登其族之夫家  
眾寡辨其貴賤老幼廢疾可任者及其六畜車輦比毗志反  
○四閭之吏閭胥四比長二十此正黨正所蒞以校比  
者校而登之簿書以爲師田行役調發邸本各家眾  
寡不同掌二十五家之間胥數而辨之此百家之族師  
又校其數之辨之者而登之後此鄉大夫之所登據此  
也

五家爲比十家爲聯五人爲伍十人爲聯四閭爲族八閭  
爲聯使之相保相受刑罰慶賞相及相共以受邦職以

役國事以相葬埋，比毗志反。邱氏曰：既以伍灤比其十人爲聯明軍灤，自此出也。相保是見居者保之，相受是新徙者受之。刑罰相及，相共則惡者同惡而無所比，慶賞相及，相共則善者同好而無所蔽。按五家相保，五比相受，四閭則相葬埋也。邦職卽役事之職，此正以邦比之灤，按登而比之者。

若作民而師田行役，則合其卒伍，簡其兵器，以鼓鐸旗物帥而至掌其治令戒禁刑罰。平時八閭爲聯，作民則合其卒，平居十家爲聯，作民則合其伍，族師合之。令相救，相佐助也。○歲終則會政致事。會古外反。上之黨正、○閭胥各掌其閭之徵令。鄭司農曰：二十五家爲閭，按徵令卽師田行役所徵。以歲時各數其閭之眾寡，辨其施舍。凡春秋之祭祀役政

喪紀之數聚眾庶既比則讀灋書其敬敏任恤者主反色  
比必里反下同。註祭祀州社黨祭族醡按役田獵及  
功役政若鄉飲詢眾庶及州射黨飲酒喪紀大喪之事  
四者皆會聚眾民因以讀灋任恤六行之末然敬則自  
待不苟德行道藝必求其備敏則稟資英特德行道藝  
必求之勤書而上之族亦將來賢能之選也黃氏曰  
以祭祀聚則讀祭祀之灋以役政聚則讀役政之灋以  
喪紀聚則讀喪紀

之灋此說存參

凡事掌其比觔撻罰之事續古橫反撻吐達反。註觔撻失禮之罰觔用酒以兜角爲之  
撻朴也按禮飲有觔罰禮射有撻罰凡比皆有觔撻知  
比時胥彬彬禮讓矣民安得不日進于善乎間第二十五家間胥掌其觔  
五家間胥掌其觔

撻更知督察至周

○比長比毗至反下同

各掌其比之治

比長下士僅師五家不及大政然切

比長比毗至反下同

而按之其職正煩大司徒頫之鄉吏比長亦吏也知掌五家之勸戒矣而歲時之校登必由比始六畜車輦兵器之簡稽必由比始州長以下正月四孟月吉之讀灋冠昏喪紀祭祀之禮事師田行役之作民及歲終致事三歲大比切而按之皆比長所當治也如以爲不然觀後鄰長文凡邑中之事相贊可知矣○五家

舉本亦作罪衰似嗟反疏相受者宅舍有故

相受相和親有舉奇衰則相及使之自相和親有舉惡相及欲使不犯

徙于國中及郊則從而授之

此國中四郊同在一鄉者同屬一鄉大夫政令通比長從

其人授所處之吏復知無舉惡○若徙于他則爲之旌節而行之註徙于他內音納

出居異鄉也授之者有節乃達○若無授無節則唯圍土內之無授

無節或舉惡逃亡故圍土內之繫之圍土以俟孜察斷罪也圍土獄城

○封人掌設王之社壝爲畿封而樹之

註：壝，壇，墻也。畿，

上有封若今時界

疏言壝不云壇舉外以見內鄭剛中曰小宗伯建國之神位右社稷左宗廟則有社而稷從之封人所設之社壝謂地所以不立稷也按大元兆域廣特爲畿封若社稷在朝右者但爲壝已耳不得有畿封也此祭地北郊也設社壝而不兼稷稷不立壇也此爲大元統天下五土之元者惟天子得立而祭之故係之以王而曰王之社壝見非諸侯有國大夫有家之所以得立也封人雖上士而其職甚尊故王者封國造都邑特掌其社事而邦國都鄙之統於王社亦可見矣王社以下社皆兼稷無論侯國之社大小都家邑公邑州社里社無不有稷籍田之社亦王所祭也謂之田主則有稷矣社之甚尊者莫如大社居廟右而小宗伯立之者也然而大社大稷東西並列則雖尊于邦家諸元而終不得並于大元灼然也

凡封國設其社稷之壝封其四疆

疏禹貢徐州貢五色土孔註王者封五色土爲

社建諸侯各割其方色土與之使立社燕以黃土苴以白茅是封諸侯立社稷之法也按社稷侯國左祖右社之社稷也四疆國邊境陳氏曰祭社必及稷社配以句龍稷配以杜商時易柱以棄○造都邑

之封域者亦如之

此據王畿之都邑言非邦國都邑也疏都邑大都小都家邑三等采地按

亦如之者亦如諸侯設社稷封四疆也

令社稷之職

註令諸有職事于社稷者也郊特牲唯爲社事單出里唯爲社田國人畢出唯爲社邱乘

共粢盛

凡祭祀飾其牛牲設其福衡置其綯共其水橐

福音福綯音雉本又

作紂持忍反橐古老反。飾如飾羔雁以纊鄭司農曰綯牛鼻繩今謂之雉註福設于角衡設于鼻如櫛狀也水橐給殺時洗薦牲疏云凡廣之按凡祭祀以下二十六字疑是充人錯簡○歌舞牲及毛

**炮之豚**地薄交反。註君牽牲入隨歌舞之，言肥香以獻神。毛炮豚者，燭去其毛而炮之。按言及亦歌之舞。

**凡喪紀賓客軍旅大盟則飾其牛牲**此爲大盟飾牛牲也。喪紀大喪慮不憮軍旅亦然。賓客之盟則因朝覲宗遇會同大盟王自臨之。惟喪紀王世子臨之殺牛以盟告明神故牲加飾也。不然喪紀去飾賓客軍旅牛非獻神者安用飾之邪疏軍旅殺牲謂饗獻軍吏大盟天子親往臨盟接此十四字疑是牛人錯簡。

**○鼓人掌教六鼓四金之音聲以節聲樂以和軍旅以正田役**人疑當作師春官鉞師疑當作鼓人教鼓兼教金鼓金從鼓節也單出曰聲雜比曰音五聲之節在金鼓故以節聲樂師克在和金鼓聲不失節斯聞者心和故以和軍旅田役坐作進退皆從鼓鐸諸聲故以正田

役鼓師所教則統用鼓諸事教之  
此及舞師二職疑當入春官

教爲鼓而辨其聲用

註辨聲用別其聲所用之事鄭  
剛中曰教爲鼓者教轎人爲之○以

雷鼓鼓神祀

以下皆教事註雷鼓八面鼓愚  
謂當六面以祀天樂六變也○以

鼓社祭

註靈鼓六面鼓愚謂當八面以祭地樂八變也  
社卽北郊王之社壇大戴禮陽氣爲精陰氣爲

靈示陰故以靈名鼓

○以路鼓鼓鬼享註路鼓四面鼓  
也鬼享享宗廟

鼓軍事

鼓扶云反○註

鼙鼓長丈二尺○以鼙鼓鼓役事  
鼙音羔○註

○以晉鼓鼓金奏

註晉鼓長六尺六寸按金奏鼙大  
鐘以奏樂鐘人以鐘鼓奏九夏是

尺○以金鐃和鼓

註鐃鐃于也圓如碓頭大上  
小下樂作鳴之與鼓相和○以金

鐃節鼓

註鐃鉦也形如小鐘軍行鳴之以爲鼓節按司  
馬職公司馬執鐃鼓行鳴鐃是以鐃節鼓也

○以金鐃止鼓

註：鐃如鈴無舌，有秉執而鳴之以止擊鼓。

按司馬職卒長執鐃，鳴鐃且卻軍退。

不擊鼓是以

○以金鐸通鼓

註：鐸大鈴也。按鐸有振，司馬職兩司馬執鐸，司馬振

鐸振則羣吏作旗，車徒皆作而鼓行，撼則

吏弊旗，車徒皆坐而又三鼓

是以鐸通鼓也。

凡祭祀百物之神，鼓兵舞幙舞者

幙音弗。二舞見下舞師，百物之神物鬼也。舞

師，兵舞舞山川之祭祀，帳舞舞社稷之祭祀。此祭祀百物之神用之。或兵舞以示捍禦，帳舞以明祓除。用鼓、伐鼓之義亦舞師帥舞徒以舞也。互見可知。

祭祀百物之神言凡見舞時無不用鼓也。

凡軍旅夜鼓鼙

鼙千歷反。註：鼙，夜戒守鼓也。司馬法昏鼓四通爲大鼙，夜半三通爲晨戒，旦明五

通爲發昫，疏：鼙聲同憂戚，取軍中憂懼之意。晨昫時常發爲發昫。

○軍動則鼓其眾

軍動將臨陳時，作士氣。

夜亦鼓鼙，軍動亦鼓其眾也。疏：田獵圍合，擊鼓象對敵，大

司馬職鼓

遂圍禁

救日月則詔王鼓

救日當擊靈鼓  
月當擊雷鼓

大喪則詔大僕鼓

大僕音泰。註始崩及窓時也。王光  
祭祀至亦如之。則鼓人所鼓自救日月至大僕鼓。  
則鼓人所詔按鼓人人字皆當作師所詔路鼓也。

○舞師掌教兵舞帥而舞山川之祭祀教輶舞帥而舞社

稷之祭祀教羽舞帥而舞四方之祭祀教皇舞帥而舞

旱暵之事

暵呼侃反又可肝反。樂師教國子小舞六

有異儒說多以干舞當兵舞矣不知此舞師自教舞徒  
與樂師所教大異况干兵異制干兵中一器兵則干盾  
等總名又不得相混邪考夏官司兵及司戈盾皆授舞  
者兵卽此兵舞也干與盾亦異盾圓干方長銳上下平

稍狹兵戈盾之屬，帙裂五采，繪爲之羽。析白羽爲之皇  
析五采羽爲之三者，皆有柄，早曠之事，雩也。曠，熱氣既  
教舞者至祭祀，又帥之而舞也。此山川社稷，四方雩祀，皆不  
在國中，故下以野舞言之。

○凡野舞

則皆教之。

○凡小祭祀，則不興舞。

興作也。上鼓師百物之神，亦鼓其舞。知此小祭祀不興舞者，乃祭祀之至

小

○牧人掌牧六牲，而阜蕃其物，以共祭祀之牲牷。

牷音全。註六

牲牛馬羊豕犬雞，鄭司農云：牷，純也。按謂色純，祭祀神尊者必當其色。次者但取色純，下者用尨云：共牷。舉中以包上下，卑不必色純。體必完具也。五官各有牛人雞人羊人犬人豕人等，差擇毛體以共牧人。至大祭祀，卜牲，牧人又擇體完色純者共之。應卜則與充人養之。大祭祀之牲，則充人養之。三月。也如

凡陽祀用驥牲毛之陰祀用黝牲毛之望祀各以其方之色牲毛之黝音幽。天神陽祀惟南郊用元日月星辰五祀等陰祀則黝牲望祀各以其方之色牲天神則五帝之臣句芒五神配以五人臣者各順春夏秋冬四方以祭也地元則五嶽四鎮四瀆及東南西北四方之元皆隨方以祭也不言南北郊五帝以下槩上毛之羽毛純色或謂祈穀亦駢牲宗廟亦駢牲予曰祈穀用駢魯用周之所尚宗廟之用駢亦然執此以駢神元之祀豈神元亦可東以本朝之制與

凡時祀之牲必用牲物疏上方色是隨其方色此牲物雖不隨方色其色須純不得雜也凡外祭毀事用龍可也龍模江反。註外祭表貉及王行所過山川用事者杜子春曰龍雜色不純鑿副辜侯禳毀除殃咎之屬按若四方百物此卽用不繫之牲者

凡祭祀共其犧牲以授充人繫之。註：授充人殊養之。按言犧牲體完毛純之牲，其

神尊故用此祭之所以必授充人殊養之牲，其之凡祭祀總陽祀陰祀望祀時祀等。

○凡牲不繫者

共奉之。

直共奉之，不授充人也。并不授監門，故云不繫。

○牛人掌養國之公牛以待國之政令。

待祭祀賓客軍旅喪紀等政令也。此

爲下總綱。註：公猶官。凡祭祀共其享牛求牛以授職人而芻之。如

字。註：享獻也。獻神之牛以祭者也。接求索也。求牛索祭之。牛郊特牲。索祭祀于祊蓋于廟門內設饌以求神。

卽詩祝祭于祊所用牛也。職人職養牲者。卽牧人充人之屬。芻養牲芻。牛人擇公牛以授充人等。芻養之。

凡賓客之事共其牢禮積膳之牛。

積子賜反。牢禮飧饔也。積給賓客道路之食。

者司儀上公出入五積侯伯四積子男三積膳掌客上公侯伯殷膳大牢子男特牛

饗食賓射共其膳羞之牛。食音嗣。諸侯射行燕禮無牛組。天子禮異故得有牛舉賓射見大射或謂膳羞庶羞也。非正俎然經兼饗食饗食有牛俎賓射亦有牛俎不特庶羞矣況庶羞不踰牲禡及牛載牛炙牛膾皆因牛俎而始有乎。

軍事共其犒牛。

犒苦報反。鄭司農曰犒師之牛。

喪事共其奠牛。

註喪所薦饋曰奠按喪云奠者未葬不立尸膳食但奠置而停之故曰奠也。

凡會同軍旅行役共其兵車之牛與其牽徧以載任公器

徧薄浪反。牽徧輶前及左右輶牛也。註人御之居前曰牽居旁曰徧。按任貨物可擔負者器斧鑿等器疏會同軍旅兼言行役王行巡狩六軍從也。兵車駕馬別有兩輶駕牛以載任器亦謂之兵車故云兵車之牛也。

凡祭祀共其牛牲之互與其益祭以待事。

祭音老。鄭司農曰益盛血祭

受肉籠註互縣肉格 按封人錯簡凡  
喪紀賓客十四字似當在此節之下

○充人掌繫祭祀之牲牷。祀五帝則繫于牢。芻之三月。註

牛羊曰芻。三月一時節氣成。按牷體完色純。繫于牢。知設福衡言。祀五帝包昊天及地祇。○享先王亦如之。凡散祭祀之牲。繫于國門。使養之。散祭祀王不親祭者四望

社稷或不必三月亦繫于牢而芻之可知。散祭祀之牲繫國門。使養見非充人所養也。國門城門鄭司農云。使守門者養之。疏散祭祀之牲。繫于國門。使養之。一旬之內而已。案楚昭王問于觀射父曰。芻養幾何。對曰。違不過三月。近不過決日。則祭祀養牲得。三月及旬。此散祭祀亦決日而已。

展牲則告牷。肆師祭祀展犧牲。祭義朔月月半。親巡牲。知

毛色體完具。毛自無損也。○碩牲則贊。王光遺曰。碩犬告體之充。左傳奉牲以告曰。博碩肥腯。蓋

君牽牲宗人告碩充人贊之饋食禮宗人祝牲告充  
按封人錯簡凡祭祀飾其牛牲以下二十六字似當在  
此節之下

周官心解卷第八終

周官心解卷第九

諸暨楊莊蔣載康闡訂

同邑駱遇隆校刊

地官司徒第二之四

○載師掌任土之灋以物地事授地職而待其政令。任土之灋

土有任負育物之能以其任任之之灋也物地事相視各土所宜如居民樹藝畜牧事授地職令以所物之事爲職也下國中園地近郊遠郊等惟主穀土而兼及園  
地若於庶土無涉而凡任地一節乃及漆林可見此物地沒職正兼庶土註文兼及虞衡得之

以廛里住國中之地以場圃任園地以宅田士田賣田住

近郊之地以官田牛田賞田牧田住遠郊之地以公邑  
之田住甸地以家邑之田住稍地以小都之田住縣地  
以大都之田住臺地賣音古臺居良反。國中不施穀者此國中外城內也場圃場人所掌樹蔬果爲生業者圓場圃樊場圃亦在外城亦有處近郊王城外五十里以內皆是國中近郊六鄉之所居宅宅者卽大比所興賢能之士遊學成均而不任事如安宅而居者故曰宅者不任事故不賦祿而別以田養之卽宅田也士田工田之誤百工飭化入材國家器用所資亦別以田養之買田買人之田也此買人非居貨求利者如市之胥師買師司越司稽胥肆長及泉州買人爲公家辦事者惟司市下大夫食采家稍與此無涉長男徐錦疑市肆諸人不過千百似無須另制一種田曰周制五十里有市甸地以內皆王治之此十六同中市不下百數矣卽以泉府買人例之如天官之大府玉府職幣庖人典絲及

夏官之羊人馬質皆有賈人而王使執玉幣以聘胥以  
賈人從而賈師于國之賣債又嗣掌其月況會同軍旅  
率屬以治市者又此賈師邪其人眾不下百工而且過  
之故田居近郊邊際而更多也官田庶人在官者其家  
所受田鄭氏可的據牛田固牛人所食外此則牧六牲  
之牧人養大祭祀之牲之充人牧百獸之囿人皆在地  
官當共食牛田賞田見司勳牧田則春官雞人秋官犬  
人冬官豕人尤眾則夏官之校人除二大夫食采家稍  
外若僕夫馭夫趣馬巫馬廩人牧師圉師圉人及馬質  
至極於數千而羊人養羊亦屬夏官服不養猛獸亦屬  
夏官掌畜養鳥亦屬夏官其他數牧之養繁更不在限  
也卽占地至多不又宜乎甸地皆公邑地十二同在六  
遂之外亦以遂決制之但分二千五百家爲縣或鄙或  
鄉或里所統稀少故以邑言言公邑別於大夫所封大  
夫有家故言家邑下於都也家邑皆方五十里稍在甸  
外合地二十同當封八十家邑縣地小都卽中都大夫  
所封以邑言故此云小都孤卿及開國功德大者之所  
封也小都方七十里縣在稍地外合地四十八同當封

五十六小都大都封三公及開國功德最大者封疆方一百里畱地在縣地外合三十六同封大都亦三十六

凡任地國宅無征園廛二十而一近郊十一遠郊二十而三甸稍縣都皆無無過十二唯其漆林之征二十而五

漆音七。此任地賦法也。國宅王內城宅里諸官公署外至多者莫如士庶子所居夏官量人所謂分國爲九州是也。此皆守宮守城爲王翊衛外此則賢能國子所居若在市者則賈師胥師司越司稽諸人及府史胥徒之給事諸官者此皆當居公廡故無征也。此園廛卽上經廛里任園中之地場圃任園地是也。二者額皆二十而一然廛之二十一數少園之二十一數多而園之二十一第一農人一夫四之一耳以園圃多利而勞一家所受不過二十畝而已足也。若外此十一二十而三十二二十而五則於遠近郊甸稍縣都漆林所取總數中取其十之一二十之三十之二二十之五也蓋宅田等任近郊則宅者工人賈人取其賦矣。遠郊任官牛牧賓田

賞田加田無國征有征賦者亦府史胥徒牛人牧人六  
鄉受賞家取之惟甸地爲籍田所在王六食及食中宮  
六宮並私人者胥取給於此然而祿內外三十士庶子  
者亦在於此則王食一家之外仍不得爲已有也若自  
稍至疊以封三采彼亦各置工賈以下六種田其甸地  
又割所封四分之一以祿其卿大夫受封者自食之外  
又以祿其三士士庶子等王又安得而多取之此二十  
而一、二十而三、十二之的義也上言任地自近郊  
至於疊胥以田言則第主穀土已耳而此經稍縣都之  
下乃有漆林之征是又及山林川澤諸庶土矣愚以爲  
是舉漆林以該三采之庶土且又以漆林之二十而五  
見三采所有庶土王之所征亦不出十二也蓋王城以外  
外二郊甸地庶土隨地而有其賦統入於王不必言征  
額惟稍縣都所封三采除名山大川大澤數外凡尋常  
山林川澤卽隨地給之因有二十而五之額以別於諸  
庶土及穀土也三子澄曰漆林何以征重至此日畿內  
百工聚於王城者至多凡諸造作動資漆用況漆生於  
山林而山澤之賦以待喪紀按諸王朝自大喪迄小喪

男女別異尊卑辨等無論棺槨龍輶之車凡諸贈送禮器樂器用物武備指不勝窮漆之爲用允至多矣所由必二十而五也又問圜廬何以二十而一曰此在外城業無他受王所自取之賦也其二十而一者周家取民定於十一而地賦與民職兩分於此任地之賦取其半合民職所取又半正十一而稅王外統九州內君畿內凡取於民者胥定於此又問王取三采地賦十二民貢不取乎曰亦準地賦地賦十二卽民貢之準也圜廬在外城國中地無別授王得盡取於民故與民貢平分而全得二十之一圜之二十而一圜之地賦也廬之二十而一廬之地賦也若近郊至壩地各有所授矣胥當取其十二而二郊獨異者近郊除去國中缺田四百井而三項之田宅必墾田之賦並給此近郊所由僅得十二之半也遠郊何以二十而三遠郊田合三同皆九千六百井本可足十二之數然賞田中之加田無十二國征則亦全得二十而一之地賦矣所由二十而三不及十二四之一也任地之賦取民以二十一爲額取地以十二爲額而遠近郊皆不足十二故又以民貢

補之若國中圍廬王所自取似可不拘額數而閭師亦  
取足於民貢非止爲外城地狹不足以待賓客也蓋賦  
於民者以二十而一爲定額取於地者以十二爲定額  
法立自上與天下畫一之道也然則王取漆林踰額必  
於山澤中減他項以平之矣周官征稅胥十一之法  
授以廬里則廬里十一授以土田則土田十一然廬里  
土田又分地賦民貢爲二民貢取於九職任民之稅也  
卽大府萬民之貢以充府庫者也除三采以外胥王所  
自取若地賦則任地之稅卽大府自關市至於幣餘之  
九賦就庶士言名山大川大澤藪在天下者胥入於王  
無論畿內若尋常庶士王亦惟取在遠近二郊及在甸  
地者耳若平土王所自取者第在國中之圍廬由近郊  
迄畠地胥有食之者卽上經可槩見也故以地予人以  
十二爲額以地授民而取賦以二十而一爲定額以地  
賦之二十六合民貢之二十一非卽所謂十一邪儒  
說多疑鄭氏上公半貢王侯伯三之一貢子男四之一  
貢謂周家至仁不應徵求之重至此故愚解大司徒文  
全不取鄭氏謂公侯伯之封三采子男之祿其臣耳而

王之取於諸侯苦無確實明文及審觀此經再三乃知內外畫一公侯伯子男胥以十二奉王不異三采之額也蓋周公立法取民皆十一地賦二十而一民貢二十而一合之則正十一取於有土者皆十二地賦取十二核之止於十一民貢取十二核之亦止于十一合十二者二亦十二耳内地如此外侯可知故外諸侯皆十二貢王此確然可信者也

凡宅不毛者有里布凡田不耕者出屋粟凡民無職事者一出夫家之征鄭司農曰宅不毛不樹桑麻也布帛泉按宅不毛曠宅土也田不耕曠田土也里布屋粟皆罰之里卽廬里里布一廬之布屋粟非三家之稅下地夫三百畝田下稅輕一夫受田之輕稅也職事均人地職地守中職事夫家卽夫婦二人周家授田五口始受一廬下地一夫僅夫婦二人所受里居田畝止一夫四分之一征稅至輕今此民所居地僻無與城郭要害之守無道路掃除聚斂等事又國家之事物產當共

者或非所有或地遠令不及焉所謂無職事也與九職任民全無交涉出夫家之征取下田地賦四之一不全取一家之賦也如鄭氏所註則罰大重而不能供矣豈周公之法哉

以時徵其賦各因其入時徵之並罰亦微可知

○閭師掌國中及四郊之人民六畜之數以任其力以待

其政令以時徵其賦

畜許六反下同。國中居王城者

遠郊則六遂賦非地賦乃民貢也任力卽公甸

民貢與四郊近郊遠郊國中近郊六鄉也

地賦平分徵於民者亦二十而一合地賦正十一而取

九職賦民通於天下閭師所徵止於國中四郊蓋國

中載師僅取二十之一近郊取止十一遠郊亦二十而

三不足十二之額故復徵九職民貢以益之所徵之外

皆充王府庫者也若甸地載師已足十二之額故閭師

不徵則皆充王府庫者外此稍縣都

三采所徵王亦收其十二與地賦同

凡任民。任農以耕事。貢九穀。任圃以樹事。貢草木。任工以  
飭材。事貢器物。任商以市事。貢貨賄。任牧以畜事。貢鳥  
獸。任嬪以女事。貢布帛。任衡以山事。貢其物。任虞以澤

事。貢其物。

農原農兼山農澤農樹事統於場人蒔蔬果  
之民註草木葵韭果蓏之屬按工居工廬爲

百工者商居市廬爲商賈者牧民居藪者以養繁爲職

嬪居民廬者包臣妾女事絲枲事包聚斂布帛絲枲所

成亦包蔬材衡山林之民包山虞此及虞民居山林川

澤所出者眾故以物言虞川澤之民包川衡此於大

宰爲九職在大府司會諸職卽九功之貢然此經任嬪

兼臣妾則二職合一貢任衡貢山物任虞貢澤物則一

職分  
二貢

凡無職者出夫布。

三子澄曰無職者卽轉移執事之民居  
大宰九職之末者也布錢也無職者不

受地不執工貢等事無財物可貢故出錢也按此正稅與前無職事大別蓋單丁未娶不授餘夫之田者故出夫布而不言家征

○凡庶民不畜者祭無牲不耕者祭無盛不

樹者無椁不葬者不帛不績者不衰

盛音成袁七同下同

此則恥之

以示罰也觀此知先王之世比戶皆田蠶樹畜無不勤

事而咸備以此任民則男女皆無游惰豐阜殷繁彬彬

禮讓於此操

卷可得矣

○縣師掌邦國都鄙稍甸郊里之地域而辨其夫家人

田菜之數及其六畜車輶之權三年大比則以攷羣吏

而以詔廢置

此官專爲三采設邦國王邦國都鄙稍王畿都鄙稍也都鄙大都中都稍小都此三

采所有郊里及甸而已界域不明慮有侵踰故特設此官掌之固非王之甸郊里於外諸侯更無與也界畫明

考察乃易既分其界畫又於各界畫中辨之稽之則羣吏之優劣顯然矣此皆據簿籍而覆按之人民田萊數必相合家七人者田萊必百五十畝家六人者田萊必二百畝家五人者田萊必三百畝六畜爲養生糞田所資而牛馬尤重與車輦皆師田行役所必用羣吏三采中治民者縣師攷之詔廢置詔王及冢宰

若將有軍旅會同田役之戒則受瀟於司馬以作其眾庶

及馬牛車輦會其車人之卒伍使皆備旗鼓兵器以帥

而至

官職三采而名縣師所居在縣地也掌稍縣都而居其中巡察易也前既分其域而辨之稽之而各

得其數至此調發而作之必無脫漏失誤之患此車輦夫家所具應調乃共之會合也卒伍徒卒民爲之車人都中士庶子爲之卽射御車右然車人乘車而車亦出於民此車輦一呼縣師則會而合之帥縣師帥之至

司馬建

凡造都邑量其地辨其物而制其域

量音良。○造都邑造

大小中三等都邑量

其地量其廣輪大小也辨其物辨民居及穀土庶土也制其城都鄙稍各有郊里及甸之域制之令合度也

以歲時徵野之賦貢

都鄙謂之野此兼三采都城內言不止郊里甸地也賦任地之賦貢民職

貢九

○遺人掌邦之委積以待施惠

遺欲季反委烏僞反積子賜反下同施式鼓反

鄉里之委積以恤民之艱厄門闢之委積以養老孤郊里之委積以待賓客野鄙之委積以待羈旅縣都之委積

以待凶荒

鄭古鄭字羈吉漪反○委積山林川澤庶土所徵也庶土在二郊甸地者賦全入王在三

采者王亦十中取二與三采穀土同自鄉里至門闢皆已徵後隨地置之者註少曰委多曰積按謂穀及禾芻

薪而以穀爲重恤。藉阨卽鄉師司救以王命施惠者。藉阨民乏食及天患病民病恤民艱阨自國中及甸而止故用鄉里之委積老孤死政者之父兄及子弟凡此老孤鄉遂及三采皆有周家至仁王皆養之門王城門及都城門關畱地十二關也內外皆養故置委積於此賓客羈旅則遠方至者賓客尊而羈旅卑待之有別郊里之委積在遂地者也野鄙之委積在甸地者也縣都上脫稍字三采庶土王亦各取十二而置於其地者也凶荒之賑恤大故合八十四同十中取二之賦除委人等所取外皆存貯以待之故見憂民至意且置之於此不特恩及畿內並外諸侯災患亦應之可知矣此周家之至仁也

凡賓客會同師役掌其道路之委積凡國野之道十里有廬廬有飲食三十里有宿宿有路室路室有委五十里有市市有候館候館有積道路之委積出於倉人者倉人凡國之大事共道路之數

積食飲之具此賓客會同師役正國之大事故也與常  
日道路委積載然不同註廬若今野候徒有序也宿可  
止宿若今亭有室矣按侯館迎候賓客之館註一市之  
間三廬一宿按古者吉行五十里師行三十里此三十  
里有宿宿有路室此路室多蓋軍士所止宿也供之者  
每室有之故止於委不及將帥所居舉多且將帥尊待  
之當異等不止路室與委也吉行若諸侯來朝卿大夫  
來聘此皆日行五十里者五十里有市故市置館以迎  
候之候館以待賓客當大加豐厚故有橫也君行師從  
大賓從二千五百人卿行旅從大客從五百人惟小聘  
則大夫所從止一卒百人然而所至必聚橐以衛之以  
所操幣重不得少疏也此於市置候館既取供給易備  
且市居民多尤不  
慮守禦卑弱也

凡委積之事巡而比之以時頒之比必里反○巡比防侵  
發所儲營時亦頒發需時頒發如恤艱阨時頒鄉里之  
委積養老孤頒門闈之委積賓客需時頒郊里之委積

嘉旅需食頒野鄙之委積凶荒時頒縣都之委積也而道路之所需亦如是矣

○均人掌均地政均地守均地職均人民牛馬車輦之力

政政音征下同○地政任地之賦也地守城郭遠近郊公邑民居其地者守之地職民居其地之職事上有事乃共者如反道聚櫟及地產當共者皆是力政力役之征人民共役必備牛馬車輦以集事故曰人民牛馬車輦之力征也均之欲國中四郊公邑無輕重而得其平地政庶土穀土之地賦有地賦卽有民貢民麗於地言均地賦則民貢亦均可知且地守地職從地賦力征與絲枲從民貢旣均力征豈有不均民貢者此古經之簡也

凡均力政以歲土下豐年則公旬用三日焉中年則公旬用二日焉無年則公旬用一日焉此專就四項中一事言卽力征中亦惟指

功役如修城郭門巷等事蓋民有歲豐歲歉之異而上之功役必不可已惟用中年爲準無年少用一日而豐年之民增一日以補無年之缺以後無年者豐而豐者轉歉則又以豐補歉乃所謂均也周家上中下三田及邱乘共車亦如此

凶札則無力政無財賦。凶札大荒大疫非無年可比無力關市山澤等賦財賦且無。○不收地守地職不均地政凡地賦民貢胥不征可知。○不收地守地職不均地政無年守財不足移役財用年豐補償至此則已之不收償地職當收者指地產言地各有用而不可缺無年薄征地之用不足取豐所征以供之俟豐乃償所謂均也至此則以王之倉庫予之不取均也不均地征凶札無所征也不敢

民貢可知

三年大比則大均

比必里反。總前二年豐地所贏歉地所少令之一一償補無輕重之差是謂

大均

也。

○師氏掌以媿詔王。媿與美同。註告王以善道文王世子師也者教之以事而諭諸德者也。按以師名官以引王於善爲職也故掌以媿詔王亦教國子國子將來輔佐王預教之於善也。呂伯恭曰程伊川謂後世知求治而不知正君知規過而不知養德蓋後世未嘗不設諫諍之官以糾主慝而從容養德者則關如焉師氏詔媿專以從容和緩養君之德不幸有過則保氏之官在故二官皆言王舉則從聽治亦如之使人君既有所養又有所畏所以二者不可偏廢

以三德教國子一日至德以爲道本二日敏德以爲行本三日孝德以知逆惡教三行一曰孝行以親父母二曰友行以尊賢良三曰順行以事師長行下孟反。國子王大子以下至元

士之適子三德三行皆根本先資之教引之使日進而極於至者也國子學道恐誤其所嚮至德則極至而無以加之德如文王周公皆是以此教之自欣慕而趨向精勤不息之德如文王曰昊周公待旦皆是以此教之則於倫紀所當實踐者自勤勉而不惰故以爲行本國子必去逆惡而逆惡不去由於不知孝孝德者天性之本然其至極而真摯者昭見於事父母以此教之則念念以愛親爲心自得情性慈祥而深知某事爲逆某事爲惡而不爲故知逆惡也孝爲百行之源教以孝行以親父母則恭兄弟忠君信友諸行自切而行之矣友行者卑躬求友之行能尊賢良則損友遠而規勸之益所資至廣順行者順從聽命之行順事師長則聽從惟謹詩書禮樂之教修身治國之道無不求之切至而得其大全矣

## 居虎門之左司王朝

註虎門路門門外畫虎司猶察察王視朝有善道可行者則前以詔王

○掌國中失之事以教國子弟。

中張仲反。國中失之事、政事之善不善者也。

教之以國事之中使異日爲法、教之以國事之失使異日爲戒。陳君舉曰：教以德行立其根本、教以國政使

通達

治體

凡國之貴遊子弟學焉。

貴遊兼所獻賢能未仕者說貴者國子遊則貴能未有職者亦優游

於道藝與遊伴不異故言凡以槩之。

凡祭祀賓客會同喪紀軍旅王舉則從

從如字。註舉猶行也疏此數事王

行則從所在皆詔王以燭也。

○聽治亦如之。

註謂王舉於野外聽治按亦如虎門外司王廟

以燭

使其屬帥四夷之隸各以其兵服守王之門外且蹕。

蹕音畢。

疏屬卽上士府史胥徒等兵服東方南方其服布其兵劍西方北方其服旃其兵弓矢疋止行人按四夷之隸卽秋官蠻隸閭隸夷隸貉隸兵服無考門外路門外○朝在野外則守內列註內營在內者也其屬亦率四夷之隸守之如守王宮

○保氏掌諫王惡註諫者以禮義正之文王世子保也者

慎其身以輔翼之而歸諸道者也按以

保名官以保全王行爲職也兼教國子使異日居官無失行

而養國子以道乃教之

六藝子曰五禮二曰六樂三曰五射四曰五馭五曰六書六曰九數乃教之六儀一曰祭祀之容二曰賓客之

容三曰朝廷之容四曰喪紀之容五曰軍旅之容六曰

車馬之容敎六藝六儀皆所以養之於道日習六藝之美則不至心有外慕而離道日肆六藝之正

則不至身或放恣而離道此所謂養此亦所謂保也。詣五禮吉凶賓軍嘉也六樂雲門大咸大韶大夏大濩大武也鄭司農云五射白矢參連剡注襄尺井儀也五馭鳴和鸞逐水曲過君表舞交衢逐禽左六書象形會意轉注處事假借諧聲也九數方田粟米差分少廣商功均輸方程贏不足旁要今有重差夕桀句股也詣祭祀之容齊齊皇皇賓客之容穆穆皇皇朝廷之容濟濟翔翔喪紀之容纍纍顚顚軍旅之容暨暨諸諸車馬之容匪匪翼翼

凡祭祀賓客會同喪紀軍旅王舉則從聽治亦如之使其

屬守王閭

王舉則從亦隨處保王也虎門外聽治諫王惡在外聽治亦諫王閭巷門近路門者

○司諫掌糾萬民之德而勸之朋友正其行而強之道藝

行下孟反下同強技養反。德六德糾者切調戒飭務令進德也勸之朋友不能進德者又令有德者以友道

勸勉之行六行正之者六行之失教令歸於正也道藝六藝怠於學藝者勉之使勤於學藝也先王之勤善也切至矣夫司徒三物之教鄉大夫以下既有專官復設司諫司救二職一主勤善一主教過疎法尤爲至周

巡問而觀察之以時書其德行道藝辨其能而可任於國事者巡問觀察何等審詳巡徧巡其地問問孰爲賢能觀召其人親觀之察又將此人審察書之辨之又何等審許德可書書其德行可書書其行道藝可書書其道藝使三者皆書則可任國事者矣又必審辨其能果異能也而後以異等書之必如此而後賓與所獻始得其實也時書隨巡時卽書知三年中書不一書也此重教成之士也卽所以勸厲其餘

以攷鄉里之治以詔廢置以行赦宥行如字。司諫中士乃贊攷詔廢置赦宥者三年巡行備得其實也鄉里據六鄉德行藝所教王所尤重故特設此官首節使民益與於教次節輔賓與

之典令典舉無誤此節令  
致治得實教職益修也

司牧掌萬民之袤惡過失而誅讓之以禮防禁而救之  
表同。牧之使不陷墨劓削宮大辟五刑也。邪惡  
生性凶暴侮慢長老狼戾不馴者也。過失行事放恣不  
顧倫理醉酒鬪齧者也。誅卽下罰撻之也。讓數其罪而  
責之讓之誅之而不改必陷五刑矣。又以禮防之而使  
之不決又以禮禁之而使之不犯防閉其情性禁禁其  
行事防卽下坐嘉石役司空禁卽下歸圜土皆所以救  
之令不陷五刑也。司諫第掌

國中近郊此職并遂甸掌之

凡民之有袤惡者三讓而罰三罰而士加明刑恥諸嘉石  
役諸司空註罰撻擊之加明刑去其冠飾書袤惡之狀  
著之背嘉石朝士所掌在外朝門左使坐焉  
以恥辱之既而役諸司空使事官作之坐役之數存於  
司寇按民有袤惡不遽罰也必三讓不改而後罰罰而

不改宜歸士矣。不違歸士必三罰不改乃歸諸士其歸士者又不過加明刑坐嘉石役諸司空已耳其人能改異日仍得齒於齊民而與鄉里之選先王之愛民也至矣去冠飾而加明刑使之坐於嘉石役諸司空以深恥其無禮此則以禮爲防而救之

其有過失者三讓而罰三罰而歸於圜土。

圜土獄城過失哀惡大見於事

故歸諸圜土不詳收斂等事見秋官司寇及司圜歸諸圜土以禮爲禁而救之也去冠飾加明刑罰作而居圜土使深恥其無禮卽以禮爲禁而救之

凡歲時有天患病民則以節巡國中及郊野而以王命施

惠天患水旱民病疾疫也民之艱阨鄉師巡而施惠鄉民事國中王城內郊遠近郊野甸地節珍圭典瑞珍圭以恤凶荒

○調人掌司萬民之難而諧和之

難乃旦反下同。註難

按司徒掌敎敎職之外置司諫司救幾無遺事此復置  
一和難之調人使民相讎者解怨惡而循循於敎周詳

極至之法也。○凡過而殺傷人者以民成之

註過非本意也成平也鄭司農

云以民成之以鄉里之民共和解之。○鳥獸亦如之

王氏曰鳥獸畜產猛驚殺傷人也按并鳥

獸之殺傷亦立法制周詳極矣

凡和難父之讎辟諸海外。兄弟之讎辟諸千里之外。從父

兄弟之讎不同國君之讎眠父師長之讎眠兄弟主友

之讎眠從父兄弟

辟音避下同從才用反。註和之使不得就而仇之九夷八蠻五戎六

狄謂之四海主大夫君也疏兄弟及從父兄弟師長主友皆無子復無親於己者故據己親疏爲遠近若有子

及親於己則自從親爲斷復讎之法可盡五世之內五  
世之外施之於己則無義施之於彼則無罪所復者惟  
謂殺者之身被殺者之親屬得復之不得蔓延也按此  
經爲過而殺人者立法虞書宥過無大康誥大舉非終  
乃不可殺過殺非本意原無死法欲申臣子之心而令  
遠辟使其人不得嗣守先業客死異鄉罰不輕矣不同  
國千里外海外三辟正斟酌忠臣孝子愛其君父之情而準唐虞五流三宅之典以立制者○弗辟  
則與之瑞節而以執之註瑞節玉節之委圭也和之而不辟不從王命也王以委圭使調人執之治其舉按言執舉不免矣不殺可知

凡殺人有反殺者使邦國交讎之註反復也復殺之者欲除害弱敵也邦國交讎之明諸侯得者卽誅之鄭司農云反殺重殺也按殺人反殺期無讎已者也令邦國交讎則行文天下皆得執殺普天之下無一人非讎矣聖人誅極惡之法也

凡殺人而義者不同國令勿讎。讎之則死。殺人而義其人辟諸境外於室中律無罪也被殺之親屬安得讎之亦令  
殺姦盜於室中律無罪也被殺之親屬安得讎之亦令  
以申臣子之心然僅不同國則辟亦不違  
凡有鬪怒者成之不可成者則書之先動者誅之鄭司農  
千石以令解仇怨後復相報移徙之此其類也按鬪怒  
以怨憤擊鬪者也成調人爲和解之不可成而書之記  
其人及鬪怒之事禁後動也如復鬪怒  
先動當罪故誅之也言誅因事科斷

○媒氏掌萬民之判註判半也得耦爲合合其半成夫婦  
也喪服傳夫妻判合鄭司農云主萬  
民之上判合市養反  
○凡男女自成名以上皆書年月日名焉註二三

生三月父名之司農曰成名子  
承覆之數易曰參天兩地而倚數疏王肅曰家語哀公  
問於孔子男子十六精通女子十四而化是則可以生

民矣。聞禮男三十而有室，女二十而有夫，豈不晚哉？孔子曰：夫禮言其極，亦不是過耳。男子二十而冠，有爲人父之端；女子十五而笄，有適人之道。於此以往，則自婚矣。然則三十之男，二十之女，中春之月者，言其極耳。

凡娶判妻入子者，皆書之。

鄭剛中曰：判夫妻反目分別而去，愚謂夫死失偶亦判妻入子。

則此所娶者與先夫之子俱來觀喪服繼父三條，則判妻以子入者多矣。書娶判妻防姦，書入子別姓。

中春之月，令會男女。

中音仲會如字。註：中春陰陽交以成昏禮，順天時也。按昏禮成於昏時。

一歲中惟中春昏時，在天十二宮星與在地十二支神上，下應合，故令會男女。此男女三十之男，二十之女，會

合之使成夫婦。

○於是時也，奔者不禁，奔，迅疾配合，苟簡捷速，不俟親迎者也。夫婦人

倫之首，配合必備六禮，至窮迫無資，男三十而不能娶，女二十而不得嫁，不特婚姻失時，並人倫將廢，且男女怨曠，不慮有淫佚之醜邪？聖人斟酌權宜，謂重倫而禮可輕也。特許三十之男，二十之女，不能以禮婚配者得

親鄰說合卽成匹偶雖微禮不備亦聽之而不之禁非許之慕說相奔就也則不禁奔亦惟三十之男二十之女貧不能具禮者云於是時則中春以外雖三十之男二十之女貧不能具禮亦禁共奔矣唐風綱繆三章中春會男女之詩也何以知之三星大火也婚禮取昏時中春心星初昏未見首章云在天則昏已過而見於東方也比女踰二十嫁失時次章云在隅直東南隅去昏時愈久比男女配合交失時末章云在戶戶在中室東隅而見三星則宵分矣比男踰三十失時娶也詩所云見此良人主女見男見此棄者男見女也作詩時王道已衰中春之令不克時舉則男女踰三十二而不得婚配者多矣所由憫其失時也次章再言邂逅邂逅者攀幣不行男不親迎女無送使也然則邂逅直奔而已矣大司徒荒政十日多昏蓋婚配爲人道之大而貧家多不能舉禮乘凶荒殺禮時令簡省成婚此時不特令三十之男二十之女得權宜配合卽男未三十女未二十亦得配合旣使貧男有婦資其內助又使貧女就養夫家不至所失也○若無故而不

用令者罰之令會男女之食故三十之男二十之女值小而廢人倫之大父母喪也若無父母喪服而不會是拘其女不生育者罰之正禁其不會也

司男女之無夫家者而會之會也既令之會又罰其不會之欲令無一男一女之怨曠也仁哉

凡嫁子娶妻入幣純帛無過五兩純註作緇。註純實緇禮必用其類五兩十端必言兩配合之名十者五行十日相成士大夫以元纏束帛天子加縠圭諸侯大璋雜記曰納幣一束束五兩兩五尋則每端二丈疏凡嫁子娶妻合尊卑但云緇帛庶人耳行禮用制幣大八尺取儉易供昏禮取誠實之義故二丈整數按恐過費難供或廢大倫立此一定之制凡統民以上無過禁其過也女家嫁子幣亦準男家怒艱窘不能嫁

禁遷葬者與嫁殤者

遷葬生時已納徵男女未合婚皆死

婦也嫁殤女已納徵未嫁而男死殤女不肯他適父母聽之使歸殤子家爲婦者也

凡男女之陰訟聽之于勝國之社其附于刑者歸之于士

註陰訟爭中葬之事者勝國亡國亡國之社在上而棧下使無所通成就之聽陰訟明不當宣露按聽媒氏聽此陰訟也附於刑亦聽之而課其罪歸士刑之亦媒氏歸之士也士司寇之屬

○司市掌市之治教政刑量度禁令

註量豆區斗斛之屬度丈尺也按亦包權

參劉原父說治萬民交易之法教謂使三市信義不欺政平百物聽訟獄刑戮盜賊懲姦僞禁壞法亂俗之物不售於市令宣教立政之事必憲於民

以次敘分地而經市

註次吏所治舍思次介次也若今市亭然敘肆行列也經界

○以

陳肆辨物而平市

註陳列辨物物異肆按令物之美惡不混卽直之貴賤難欺而市價自平

也

○以政令禁物靡而均市

物靡物侈靡者買者多貴而價賤禁不得賣則市價均也

○以商賈阜貨而行布

賈音古下賈民商賈師同

註通物曰商居賣物曰賈阜猶盛也鄭司農云布泉也王光遠曰布權百物而通之貨不阜布無所通故以商

賣阜貨

○以量度成賈而徵價

賈價同價音育。註徵召價買也物有定價則

買者

○以質劑結信而止訟

齊津私反。註質劑兩書一札而別之按既書質劑

來

多少欠賒胥可憑信而

矯誣無所施訟自息也

○以賈民禁僞而除詐

註賈民胥師之屬知物之情僞與實

詐疏僞據物言詐據人言

○以刑罰禁越而去盜

龍薄報反去起呂反。註同其也民貨不

刑罰寬徇朴

○以泉府同貨而斂賒

註傷蛇反。註同其也民貨不

售斂而買之民無貨賈貰予之

大市日廸而市百族爲主朝市朝時而市商賈爲主夕市

夕時而市販夫販婦爲主

廸音側本又作昃。註日廸也。百族必容來去商賣家

於市城販夫販婦朝資夕賣因其便分爲三時所以了

物極眾按主居物於肆而賣於客者也。百族農工及山

澤藪牧園圃諸民以所有賣粥者下飾僞之禁民十二

工十二可見匠人市朝一夫據市中思次司市聽事旌

物賈處若列肆則居地又多矣此三市各於一院

內爲之皆有市朝大市於中朝市於東夕市於西○凡

市入則胥執鞭度守門市之羣吏平肆寢成算賈士旌

於思次以令市市師涖焉而聽大治大訟胥師賈師涖

於介次而聽小治小訟

真音定又如字真賈之賈音嫁上時掌反思註作司。凡市入

凡三市者皆入市也。門市外門各肆。門胥二肆。一人  
其人甚眾。令守各門。使姦僞盜賊不得更出入。執鞭度  
令出入。以正繫綬爲鞭。因刻尺寸以爲度也。羣吏各介  
次胥師。胥師肆長。肆長辨物名實。陳於各肆。不使混淆。  
胥賈二師。又展其已陳而定其賈。所謂展成。莫賈也。言  
展成貨賄。當易處者必更置矣。土旌於思次。旌物賈於  
思次。令買者望見至肆交易也。市師卽司市。三市各有  
思次。介次。每二十肆中有之。市師聽大治大訟。胥賈二  
師如遇大治大訟。則土之市師。思次。介次。殆張  
次而居之。詆思司之誤。胥執鞭度威正人眾。○凡萬  
民之期于市者。辟布者量度者。刑戮者各於其地之敍。

辟音闢。物皆別肆分陳。民賣買各就其肆。辟布量度  
刑戮。皆由市吏曉開辟令。布遠行。泉州府斂貯自爲一區。  
量度。吏操公量。公度以核實。又自爲一區。刑戮。市吏決罪。又自爲一區。各不混雜。○凡得貨賄

六畜者亦如之。三日而舉之。註得遺物者。使置貨於貨

之易也三日無識認者舉之李茂夫曰  
自大市至此皆以次敘分地而經市之事

凡治市之貨賄六畜珍異亡者使有利者使阜害者使亡  
廢者使微亡音無註使有使阜起賈以徵之使亡使  
靡微抑賈以卻之李茂夫曰此以政令禁物  
靡而均市也

凡通貨賄以璽節出入之

通貨賄通諸侯國諸侯之貨賄  
通於王國王國之貨賄通於諸

侯也出入出入於王之門關註璽印章按璽節商賈執  
之以通貨賄者出貨賄授璽節入貨賄驗璽節司市所  
用璽節由司闕給予司闕掌國貨之節以聯門市此司  
關璽節侯國無之觀小行人達六節不及璽節可知也  
○國凶荒札喪則市無征而作布有災害出產微恐商  
賈少物益貴不稅貨以招之金銅無凶年大饑泉以市商所有令市物多而  
民可不困也陳及之日市既無征則物聚多物多錢重

錢重物反輕非所以便商也。作布則物雖多而錢不重。商賈獲其利來者多矣。李茂夫曰：自凡通貨賄至此以商賈阜貨而行布也。

凡市僞飾之禁，在民者十有二，在商者十有二，在工者十有二。賈音古。僞飾之禁四十八皆賈者十二土物產不同其飾僞各十二也。李茂夫曰：此以實民禁僞而除詐也。

市刑。小刑憲罰。中刑徇罰。大刑朴罰。其附于刑者歸于士。  
憲罰書其罪狀。縣思次以示眾。徇罰書其罪狀。加諸背令徧行市中。朴以朴撻諸市也。若盜賊小罪亦必朴罰。  
○國君過市則刑人赦。夫人過市罰一幕。世子過市罰一席。命夫過市罰一蓋。命婦過市罰一帷。註：市者交利行刑之處。君

子不邀觀遊觀則施惠以爲說此王國之市而說國君  
以下諸侯於國與王同按罰幕帘惟蓋罰市當憲徇朴  
者罰此四物以爲市用若帷幕則思次介次通得用帘  
則思次所需諸介次不得用蓋亦司市乘車所用也  
參李茂夫說自市刑至此以刑罰禁越而去盜也至量  
度質劑司在質人陳肆辨物職之胥師賈師肆長成質  
徵債掌諸賈師同貨斂賒

車之泉府各於當官詳之

凡會同師役市司帥賈師而從治其市政掌其賣債之事

賣音古。註市司司市償買也會同師役必有市大眾所在來物以備之按尤防軍士強買致賣者不至

○質人掌成市之貨賄人民牛馬兵器珍異質如字。註  
其交也賣買書諸質劑則交易成

凡賣債者質劑焉大市以質小市以劑掌稽市之書契質

爲分書令分藏之、註大市人民牛馬之屬用長券、小市兵器珍異之物用短券、稽猶攷按書契卽今收票欠票亦書兩札而刻其側書契或僞造亦可致訟故又掌稽之

李茂夫曰此以質劑結信而止訟也

同其度量壹其淳制巡而考之犯禁者舉而罰之

淳章純反又音

準杜子春曰淳當爲純純幅廣制匹長皆當中度接同兼權徧巡而攷之恐不同壹犯禁犯不同不壹之禁也罰罰其人憲徇等李茂夫曰此以量度成賈而徵價也

凡治質劑者國中一旬郊二旬野三旬都三月邦國朞期

內聽期外不聽

註齋券契來訟也期內來治之後期不治所以絕民之奸訟且息文書也按國

中城內至近郊六鄉也郊道郊遂地野甸都小都家邑邦國諸侯之國此與秋官朝士聽治期日同

○塵人掌斂市紵布總布質布罰布塵布而入于泉府

紵音

次本或作次總讀如字。布泉紩布貨不入肆積於次間市官爲張帷幕令居之以賣則令出紩布肆長掌斂總布則列肆之稅也肆長陳貨賄實相近者相爾所陳一肆不出一人布亦合稅故曰總布質劑皆官物用之者出泉則有質布罰布凡犯市禁之罰泉塵布貨物多不能一時傾賣停諸邸舍而出泉則邸舍停貨之泉也杜子春謂無肆立持者其稅總布又改總作儀如釐立之釐廟疑聖主之世必無此苛政

凡屠者斂其皮角筋骨入于玉府

屠者及市珍異者自有  
居肆之稅此斂皮角筋骨及珍異則自以官泉斂之蓋珍異不售則久而腐敗皮筋亦然斂之正先王恤民之至意

凡珍異之有滯者斂而入于膳府

註滯如沉滯之滯珍異不售在塵久則瘦澀腐敗按斂盡爲貲之入膳夫

以供王食令民不折資本

○胥師各掌其次之政令而平其貨賄憲刑禁焉察其詐

僞飾行價惡者而誅罰之

行下孟反。刑憲徇朴外加士刑禁僞飾之禁飾行如賣

棺者敗絮其中而金玉其外價賣惡也序官胥師賣  
師二十肆皆一人是二者同居一次也然胥師所掌者政令平貨憲禁誅罰飾僞聽斷治訟皆政令也聽其小治小訟而斷之。

○賈師各掌其次之貨賄之治辨其物而均平之展其成

而奠其賈然後令市

賈音古奠音定又如字其賈之貢音價。賈師掌次中物賈之治辨

物欲賈得宜合市正以賈令下禁貴價恐其賈昂皆物賈中事也。

凡天患禁貴價者使有恆賈

賣音價。註恆常也若諸米穀棺木暗久雨疫病貴賣之

因天災害阨民使之重困也史直翁曰物價翔踊不可禁禁之則深藏而不出而求者益多價反愈貴雖有智巧何以弭之先王之市先知貨賄多寡有無之所在故能使必價而市價可使不貳故曰使有常價後世無法

以處徒肆刑威以禁之欲

求其賈有常不可得已

○四時之珍異亦如之

疏此珍異

富人賤時豫儲

後貴時賣之

凡國之賣債各帥其屬而嗣掌其月

鄭司農曰帥其屬更代直月均勞役接王

府所積不可置之無用令斥賣正節約以豐財也

○凡師役會同亦如之

疏從行所

在當直爲官買賣也按亦帥其屬而嗣掌其月此則從

司市也賈師與胥師同肆而國之賣債胥師不與師

役會同亦不與蓋胥師掌政令治訟刑罰國之賣債在

知物美惡貴賤會同師役市中之政令訟獄刑罰又非

與賤者所得與也

○司越掌憲市之禁令禁其鬪罵者與其越亂者出入相

陵犯者以屬游飲食于市者

武薄報反。王光達曰鬪者以力爭罵者以口競易

彦祥曰：越者，虐物亂者。悖理徐氏曰：出入陵犯恃強以相陵屬游飲食羣飲敗禮。按司徒所治豪暴酗酒之徒其事易見故十肆一人。○若不可禁則搏而戮之。搏禽之戮

註不者捷辱

○司稽掌巡市而察其犯禁者與其不物者而搏之。物衣

服視瞻不與眾同。按所操亦異常。司稽所搏姦詭盜賊其事須察故五肆一人。

掌執市之盜賊以徇且刑之。疏市之盜賊亦小盜徇朴而已。

○胥各掌其所治之政執鞭度而巡其前掌其坐作出入

之禁令襲其不正者。

杜子春曰：襲，掩捕。按正市人坐作出入而襲其不正，此胥之治也。胥

二肆一人，則所掌止二肆。然坐必正、作必正、出入必正，則市肆中皆閑以法整肅同於軍制，安得不二肆一人邪？

○凡有罪者撻戮而罰之。

註罰使出布。按凡凡司稽所禁所巡而梗拒不

受搏者胥佐二司搏之始就抑故法重

○肆長各掌其肆之政令陳其貨賄名相近者相遠也實

相近者相爾也而平正之

註爾近也使惡者遠善善自相近鄭司農云若俱爲珠玉

賈或百萬或數萬別異令相遠使買人不得雜亂以欺人

參李茂夫說此及胥賣二師所謂以陳肆辨物而

平市也○斂其總布掌其戒禁

貨賄必實相近乃令合陳一肆中故稅亦共出謂之

總布肆長合斂之歸質人以入泉府

○泉府掌以市之征布斂市之不售貨之滯于民用者以其賈買之物揭而書之以待不時而買者買者各從其抵都鄙從其主國人郊人從其有司然後予之

賈價同揭音竭

抵註作抵都禮反予音與。鄭司農曰：物揭而書之，物書買揭著其物，不時買者急求者也。註：抵實抵字，抵本也。謂所屬吏主有司是也。疏：征布塵人紩布已下之布並入泉府，故總云征布也。按此現物成交亦各從其抵，防姦也。都鄙包家稍郊包甸市之不售，時所多，物滯於民用，非時所需，以其賈買仍以賈師等所定買之，不抑也。官買無異於民買，不特無折閱之患，而且有利。此先王恤民厚意，仁之極至者也。

凡賒者祭祀無過旬日，喪紀無過三月。鄭司農曰：賒貰以物，按祭祀喪紀其事重，故得賒官物，非是或不賒矣。祭祀常事故旬日還賈，喪紀大變，且費多，故寬之得三月也。

凡民之貸者，與其有司辨而授之，以國服爲之息。

註：有司

吏也。與之別其物，定其賈以孚之。疏：不言都鄙主有司中兼之，按息息泉上不取息於民，償價外令服公家役。

事以爲息也以國服爲息濟民急而僅役國事民不虧財矣、

凡國事之財用取具焉歲終則會其出入而納其餘

會外反古

○泉亦財也。凡國事之財用取具。凡國事需泉用者皆取具於泉府也。夫泉府以爐鑄爲職。天下之泉胥出泉府。其布行至廣。國事之用取於是誠無有不可者也。會其出入。總計入泉出泉之要有餘納諸職幣也。

○司門掌授管鍵以啓閉國門

管以閉鍵以啓。王內外城門各十二分掌於下士。每

門管鍵司門掌之授每門下士令晨啓夜閉。

幾出入不物者正其貨賄。凡財物犯禁者舉之

正音征。幾不物防。

姦註正讀征稅也。陳及之曰犯禁犯司市僞飾之禁。民商賈工各十有二。

以其財養死政之老與其孤註死政之老死國事者之父母也。按孤其子弟幼者。

祭祀之牛牲繫焉

繫音計監古銜反

疏散祭

門養之不必三月也

監門門徒

○凡歲時之門

受之也以其養牲

加之惠疏四時祭門非一云凡以總

之國門十二時祭外有祈禱故莊公二十五年秋大水

有用牲於門之事

凡四方之賓客造焉則以告

造七到反註造猶至告告於王而止客俟逆

○司關掌國貨之節以聯門市

註貨節璽節自外來者案其節書其貨通之國門國門

門通之司市自內出者司市爲之璽節通之國門國門

過之關門參相連以檢猾商按司關掌國貨之節知門

市所用璽節皆出於此司市司門皆用璽節掌之司

關者在外故司關與司門兼掌三節於掌節見之

司貨賄之出入者掌其治禁與其征塵

疏司貨賄出入卽上聯門市事按治

令貨賄皆應用可市禁禁僞飾征貨賄之稅廢所止邸舍之布出布如市之廢於此停貨故有廢○凡貨不出于關者舉其貨罰其人註不出於關私道辟稅舉其財撻其人

凡所達貨賄者則以節傳出之傳張戀反下同。註商取爲之聖節及傳有聖節亦爲之傳傳移過所文書

國凶札則無關門之征猶幾註無關門之征出入關門無稅猶幾察姦人出入疏兼言門者門關同類無征亦同故於關并言門也

凡四方之賓客敏關則爲之告敏音叩。註謂朝聘者也

語敵國賓至

關尹以告

有外內之送令則以節傳出內之

出內之內音納。送令文書告司關令送逆者

自王國來以節傳出之自畿外入以節傳內之此用當是符節

○掌節掌守邦節而辨其用以輔王命

自畿內及諸侯凡官吏以事往來皆

庶出入市易何一敢自專行皆王命也特無所馮則不可行隨所宜用而授之節斯四達不倍矣辨用見下

守邦國者用玉節

玉節卽桓信躬三圭及穀滿二璧以玉爲

之角節用犀角玉節授五等諸侯角節授三等采地此都鄙專指在畿內者與小行人都鄙別彼都鄙諸侯之

臣食邑所用管節小行人達之

凡邦國之使節山國用虎節土國用人節澤國用龍節皆

金也以英蕩輔之

使所吏反蕩吐黨反註山多虎平地多人澤多龍按此使節授王使使

山國人國澤國所執小行人三節節雖不異則給邦國授其使者與此不同杜子春云蕩當爲帑以缶器盛此

節或曰  
蕩畫畱、英

門關用符節貨賄用璽節道路用旌節皆有期以反節

司

門關司關三節皆給二官故列官於首下則二官用節之辨符節授受核勘璽節授司關掌之亦給司市司門所謂聯門市也道路之旌節至門司門授至關司關授受卽核勘有期反節司門司關三節反有期日掌節察核之此三節分頒畿內皆門關所用次掌節於二官之後經義顯然

凡通達于天下者必有節以傳輔之

註節爲信傳說所齋操及所適按卽今文

書通達於天下至諸邦國諸侯各授小行人所達諸節往必核勘故必有節

○

則不達

註圓土內之按

周官心解卷第九終